

在文川网搜索古籍书城 发现更多电子书
driver 文川网
古籍书城
入驻商家

中國方志叢書·華北地方·第四九七號

據

清·丁燦等纂修，張煥等續修
清光緒十一年修，民國十年重刊本

影印

河北省

故城縣志



成文出版社有限公司印行

5/10/10
1975



故城縣志

民國十年冬
十一月重印

docsriver 文川网
入驻商家 古籍书城

在文川网搜索古籍书城 获取更多电子书

恭紀

巡幸

康熙二十八年

聖祖仁皇帝南巡

閱視河工高家堰一帶堤岸自江南

回鑿由河道晝夜兼行經故城衛河並無預備供給

康熙三十八年

聖祖仁皇帝奉

皇太后南巡由水路經故城衛河各官在水次接送

駕坐船頭百姓聚觀兩岸如堵並不禁止至江南清河

閱高家堰歸仁堤五月

回鑾仍由河路接送如之

康熙四十二年

聖祖仁皇帝南巡

閱視河工

回鑾由水路過故城運河

御舟緯夫俱紅號衣紅帽黃頂綵繩緯板從船緯夫

俱青號衣

康熙四十四年

聖祖仁皇帝南巡由水路入江南境

臨視河工至浙省復由江南自水路

回鑾

康熙四十八年

聖祖仁皇帝南巡由水路經由縣境至江南

閩溜淮套別開河道

乾隆三十年

高宗純皇帝奉

皇太后南巡並

閱視河工海塘經由縣境永河路

乾隆三十六年

高宗純皇帝南巡自水路

回鑾 謹仿武城續縣志

乾隆四十一年平定金川

高宗純皇帝奉

皇太后南巡詣

侍祝

告成

湖里

仿德州志續武
城志則云東巡由衛河水路

乾隆四十五年

高宗純皇帝南巡

閱視河堤海防

仿德州志武城
志云自水路

回鑾

謹案

聖祖南巡盛典前縣志未詳伏讀

高宗御製詩衛水西來衛挾濁漳諸詠知故城瀕河必

御舟巡幸經由之路故老相傳當年曾沐

皇恩蠲免錢糧七十八十以上者均叨

賞賚至今稱幸書闕有間特仿德州武城臨河諸志

恭紀如右

恭紀

恩澤

順治元年

詔除明季各項加派酌免本年田租

康熙三年

蠲免順治十五年以前民欠

康熙二十四年

豁免河間未經圈占地方本年應徵地丁各項正賦

三分之一

康熙二十六年

豁免順永保河四府本年地丁各項錢糧

康熙四十四年

豁免順天河間兩府額賦

康熙四十五年

豁免河間等府康熙四十一四十二四十三三年未

完民欠

康熙五十年

詔免天下錢糧並未完民欠故城縣當年首免

雍正七年

蠲免額徵起運錢糧

乾隆十一年

詔免天下錢糧故城縣當年首免

乾隆三十五年

詔免天下錢糧故城縣當年首免

乾隆四十二年

詔免天下錢糧故城縣當年首免

乾隆五十五年

詔免天下錢糧並累年積欠故城縣當年首免

乾隆五十七年

豁免本年正賦千七百兩有奇

乾隆五十九年

蠲免帶緩甲寅乙卯丙辰征收銀十分之三

嘉慶元年

詔免天下錢糧故城縣當年首免

嘉慶二十二年

豁免本年正賦三千七百兩有奇

嘉慶二十四年

豁免本年正賦千八百兩有奇

嘉慶二十五年

豁免嘉慶十四年至嘉慶二十二年民欠二萬六千

二百兩有奇

道光十五年

豁免嘉慶二十三年至道光十年民欠千九百兩有

奇

道光二十五年

豁免道光十一年至道光二十年積年民欠

咸豐元年

豁免道光二十一年至道光二十九年積年民欠

同治元年

豁免道光三十年至咸豐九年民欠四千七百兩有奇

奇

同治十二年

豁免咸豐十年至同治六年民欠三千七百兩有奇

光緒元年

豁免同治七年至九年民欠二千九百九十一兩有奇

光緒二年

豁免同治十一年至十三年民欠一千零三十六兩有奇

光緒四年

豁免元年至三年民欠二千二百二十二兩有奇又豁免本年地糧正銀八千五百九十三兩有奇

光緒十年

docsriver 文川网
入驻商家 古籍书城

在文川网搜索古籍书城 获取更多电子书

故城縣志舊序

國家混一區宇圖籍悉入天府我太宗文皇帝嗣位十六年詔遣儒臣分布天下纂修志書甚盛舉也維時故城縣學訓導考城趙君恕實領志事然刻於限期未免有遺逸之歎正統戊辰予以公務道經故里邑宰括蒼李公康祖偕僚屬造余謂故城爲河間屬邑隸在畿甸之內負景祿而臨衛水挾安德而跨棘津民物風化之盛甲於他邑而志不詳著闕典之憾將貽譏於後因屬修之余每有

志於斯未敢僭越竊思朱晦菴守南康甫下車即
問郡志今諸公以是爲屬可謂知政教之先務矣
乃於胡導之餘旁搜子史博採聞見因舊本而增
輯之若建置沿革土產形勝酌古準今備述無遺
至宦蹟人物則務錄其治行足稱者他未遑及也
又若縣之八景先是雖未有品題余亦妄意考著
蓋欲境內形勝白後世耳他如董學本漢董仲舒
之別墅澹村乃澹臺子羽之故居則又據遺墟斷
礎與故老相傳之言附載焉編次既定用錄厥成

間有缺者尚俟後之同志汗生於斯長於斯所以
增修且志者非徒示人方輿風物而已蓋欲官於
斯者一視此必思所以興廢起墜而使政教之薰蒸
產於斯者視此必思所以考德問業而使文獻之
在徵則是志未必無補於世教云

景泰六年三月

邑人馬偉

舊跋

故城尹括蒼李公康祖二尹金斗李公瑾慕僚固
始能公廣太康孫公侃司訓古巢尚公忠一日謂

予曰邑之縉紳馬公以儒術累官王相道經故里
慨前志之畧泯前人之善旣自爲文以表章之而
文系詩以發揮之其紀載何謂明矣其纂述可謂
精矣然前乎此者固無不備而後乎此者有所未
書若景泰癸酉鄉闈人才爲首稱甲戌廷試進士
爲造端俾今日不爲序以明之焉知後人不無馬
公之慨也夫按故城爲邑隸於河間屬於景州前
抱武城後引廣川東隣齊魯西接真保即古襄陽
之域也以言其產則有菽麥黍稷之良以言其人

則多聰明俊偉之士誠甲於他邑而非僻陋之比
雖然地之美者非地自美亦由人焉昔文翁守蜀
而學校爲之大興子路治蒲而聖人三稱其善言
游宰武城而有絃歌之聲是皆在人而不在地之
明驗也由是觀之向使縣尹學校之不修集場之
不建田疇不教之墾闢墻屋不令之完固鐘鼓不
置之分明雖曰一邑不過一鄉曲而已則人衣食
之圖且未遑及風俗何由而厚人才何由而盛哉
然則今日家詩書而戶禮樂地靈異而人豪傑科

第有如此之盛者何莫非縣尹平昔提調作興之於先諸公協贊遵迪之於後之所致歟余嘉諸公之佐縣尹不但倦倦於學始終弗懈若神廟寺觀之修與夫一木一石之用無不注意若有謂出於二人之心成於一人之手而與補塞其罅漏者異故聞諸公之請厯摭其目接之實以述之俾後之見者知所自厲云

景泰六年三月

教諭方 賁

舊序

文以載道後世之文載事而已專於載事義當發
者泯泯焉休戚利病之原鼓舞變通之機若有未
盡君子觀之歉然不快也志一方例當詳實不宜
從略而山川境土習俗往蹟必藉重鉅筆庶不涇
沒嘗見人觀郡邑志輒從後快讀前卷曾不
蓋藉重者悉列志後前志專事紀載視爲長物無怪
也嘉靖壬午冬榮顯承乏故城旣數月政本化機
稍稍就緒詢邑志得斷爛數紙於太學生馬君嘉
貞蓋其祖若父括蒼太守素菴公左都御史東田

公取舊志先後編纂者二公游宦往來暫過梓里
去今四五十年繼公後者未知出公前者未盡目今
昔異狀傳聞不同施之政化有未能盡合者因論
吏民謠耆艾補舊遺增近事續成此編僭不自
每事類下輒伸謬語以發義雖筆力猥近不足
盡纖悉而閭閻隱痛亦略具備古今詞翰各以類
繫倘言足藉重故城境地不患不聞於世也類不
能盡繫者迺萃志未分十七類共四卷付之梓工
明示境內政務方填寡陋是懼幸博洽之教我

嘉靖乙酉冬十月

邑令趙榮顯

舊跋

邑大夫鳳陽趙侯纂縣志既成以示沙溪孫生孫生讀之既作而嘆曰緒於此有以見侯之爲政也夫郡邑得君子以爲之主山靈地秀恒望依託以有關於時而縉紳德業閭閻疾苦覬顯揚思保障其意尤切俗有彫樸故政有宜違法有利弊故術有變通典籍不存何以溯其原而執其要縣有志若緩焉而實急也侯於此知先務矣及觀其據事

理晰利害詳實剴切長慮隱痛時溢發於文詞之外而援古御今斟酌損益惟恐一民一物不置諸衽席之上其心何仁哉後之君子撫卷遐思能不惻然興念矣乎且敬亭山山之尋常者耳自鮑明遠李太白諸君子有詩遂與匡廬泰華相埒柳州僻在遠徼得柳子厚依歸而柳之山川遂以得名者不可勝紀吾鄉典刑文獻不足徵也久矣得賢復綴拾而揄揚之飭於躬者舉得不漸減於後固斯文莫大之遺際而巖壑丘阜亦何其幸哉竊

怪守令於民父母是司軀命攸託取足目前空蹄
芻狗竭智而漁窮法而取雖令譽昭彰致位通顯
而民之懟則深矣視吾侯何如也瘡痍感刻或壽
於金石里巷風譎或公於薦剡得失彼此當有辨
之者矣敬題數語而歸之

嘉靖乙酉冬十月

邑人孫緒

舊序

夫邑志史類也史貴紀實而浮誇點綴採輯失真
適取姍於三長君子以故作者修者往往慎而難

docsriver 文川网
入驻商家 古籍书城

在文川网搜索古籍书城 获取更多电子书

之吾邑有志歷有歲年弘正以前先達馬素菴暨其子東田與呂西田諸公相繼創修卷帙久逸今可考者惟嘉靖壬午趙邑侯榮顯所爲續纂而孫沙溪所潤色者迄今七十餘禩前之知者或湮沒無徵而今宜收錄者更復不少然宦於斯產於斯號稱能文者竟相視逡巡莫肯受載筆之任誠難之也蓋邑僅八里真彈丸地閭巷湫隘物業蕭條過其地者每竊笑其陋徒以古有澹菴濬文教之源流明興以來如東田沙溪輩以高科顯仕文章

氣節樹人文標的而益行其流今之游庠泮者已
近三百人其文盛可知已乃觀邑志者謂其紀載
多文而無他盛概將欲刪之病於蒐羅之無具將
欲存之嫌於體裁之失準是故難之而鮮克任其
役也萬曆癸巳冬余奉上命赴南都參贊任過里
里人夏大夫維藩以修成新志一編付余挈至南
中刪潤之蓋邑侯吳君能進懇屬大夫偕二三士
人校修竣事大抵綱領節目一因其舊而增益其
新惟於所甚無當者盡削焉去取褒貶詞義嚴正